



# Umhmunkhuarnak Tuahtonak le Thialkarnak Bawmhnak (SETS)

## COVID-19 RUANGAH RIANTUANPIAKNAK THLENNAWNNAK PAWL

COVID-19 a hun chuaphut tikah Umhmunkhuarnak Tuahtonak le Thialkarnak Bawmhnak Prokrem tangah bawmhnak cu riantuanpiakmi pawl sinah pehzulh in a ngah ko. Sihmanhsehlaw, phung ning in ngandarnak ruahnakcheuhmi ning in riantuanpiaknak pek ning cu aa thleng kho men.

Atu lioah, petu tampi nih telephone asilole online hmang in riantuanpiakmi pawl kha an bawmh cuahmah hna. Cheukhat thil sining ah cun, rianrang thilcang pawl caah asilole online riantuanpiaknak a ngah lo ahcun, riantuanpiaknak petu pawl nih riantuanpiakmi pawl kha hmaitonh in an ton khawh hna.

Mirangholh a thiam set lomi riantuanpiakmi pawl caah riantuanpiaknak petu pawl nih telephone in holhlehnak riantuan piaknak an pek hna.

**COVID-19 le a hmelchunhnak pawl** kong hlathlai.

### SETS Prokrem cu zaidah asi?

Umhmunkhuarnak Tuahtonak le Thialkarnak Bawmhnak (SETS) cu mipeem sikhawhnak a ngeimi pawl i umhmunkhuarnak herhmi pawl chimpiak dingah tuahmi rampumpi huap prokrem pakhat asi. Prokrem nih aa tinhmi cu zatlang nun le chawhlehnak telnak thanchoter ding le zatlang bu pehtlaihna bawmhding asi.

Prokrem ah abiapimi thil pahnih a um:

- *SETS – Riantuanpiakmi Riantuanpiaknak* nih umhmunkhuarnak he a pehtlaimi thawngpang, ruahnakcheuhnak, thazangpeknak le atlakmi riantuanpiaknak hmuh dingah bawmhnak kha riantuanpiakmi pawl a pek hna.
- *SETS – Zatlang Bu Thiltikhawhnak Sernak* nih athar le ahung chuakmi zatlang bu phu pawl le bu pawl kha umhmunkhuarnak athami a phichuak pawl caansau nguh dingin an zatlang bu pawl kha bawmhnak a pek.

## **SETS nih zeibantuk riantuanpiaknak pawl dah a pek?**

SETS petu pawl nih fimcawnnak, cawnnak kainak, Mirangholh thiam nakding tawrelpiaknak le holh riantuanpiaknak, rian, umnak inn, ngandamnak le himnak, innchungkhar le zatlang nun bawmhnak, tlunkalnak, zapi sinah telnak le upadi lei thilcang pawl kongah ah bawmhnak ngah khawhnak telhchih in thawngpang peknak le thilcang a phunphun cungah ruahnakcheuhnak in an bawmh khawh.

Riantuannak phun pawl ah aa tel khomi cu tahchunhnak ah, inn i riantuannak bu pawl, mawtaw khalh thiamnak chimcawnnak peknak prokrem pawl, nu pawl ngandamnak le hngalhnak petu phu pawl, Mirangholh in biakchawhnak ngei dingah caantha sunglawi pawl, Australia ah rian kawl ning, biahalmi leh thiamnak le mah kong tial ning telhchih in riantuan nakding timhtuahnak caah cawnnmi pawl an si.

Na zatlang bu i chungtel pawl bawmh ding le nangmah bawmh dingah bawmhnak cu zatlangvbu phu pawl le zatlangvbu hruaitu pawl kha pek an si.

Riantuanpiaknak petu pawl nih adang herhhai na ngeihmi pakhatkhat ca bawmh dingah adang riantuanpiaknak sinah an chimhpiak khawh fawn.

## **Riantuanpiaknak ngah dingah atlakmi ka si maw?**

SETS – Riantuanpiakmi Riantuanpiaknak cawlcanghnak pawl cu Australia ah mipeem pawl ahmasa kum nga an nunnak caah pek an si i atang i langhtermi phun pawl hi an si:

- bawmhnak a ngahmi pawl
- Mirangholh a thiam set lomi mipeem innchungkhar pawl
- Mirangholh a thiam set lomi pawl umnak hmunhma pawl le khuate ah a um i a thiammi mipeem pawl bochan in a nungmi pawl
- Mirangholh a thiam set lomi pawl umnak hmunhma pawl le khuate ah a um i chikhat khuasa in a ummi thimmi pawl (Hmailei Thit-umnak Tuah te dingmi le Caantawi Umtinak visa aa tlaihmi le anmah bochan in a ummi pawl).

SETS – Zatlang Bu Thiltikhawhnak Sernak nih athar le a hung chuakmi mipun-thengte kha a hmaithlak:

- Zatlang bu pawl, zatlang bu hruaitu pawl le a hung chuakmi zatlang bu aiawhtu pawl, le
- riantuan khawhnak tlawmpal lawng a ngeimi phu pawl.

## **SETS riantuanpiaknak pawl kong tamdeuh cu khoika dah ka hmuh lai?**

Na umnak hmun i SETS petu hmuhnak dingah zaangfahnak in [kahin](#) zoh law Riantuanpiaknak Petu pawl cazin hmuh khawhnak link kha kau. Na umnak hmun ah petu a um kha na hngalh bakin, zaangfahnak in petu website kha internet ah kawl. SETS petu pawl anmah he pehtlaihna lam athabik kong thawngthan kha an website ah a um lai.